

外科選要目錄卷六

油風痛風

癰瘍風紫白癰風

大麻風

蛇風烏白癰

痞癰風癰

癰癰葡萄疫

流注

疔瘡

楊梅瘡

結毒

胎毒

小兒初生無皮

奶癰

肥瘡

黃水瘡

白蛇串

白禿瘡

赤遊丹

鍊銀瘡湮尻瘡暑痘

一凡內服湯劑各症主治定有成方加減其餘活法總
在臨時變通茲不再選

外科選要卷六

昭文徐惠銓春泉氏選

外孫程汝鏡少蓉氏校梓

油風痛風

心法曰此症毛髮乾焦成片脫落皮紅光亮癢如蟲行俗名鬼剃頭由毛孔開張邪風乘虛襲入以致風盛生燥不能榮養毛髮如耽延年久宜針砭其光亮之處出去紫血毛髮庶可復生宜用神應養真丸以治其本外以海艾湯洗之以治其標

海艾湯

油風血虛風熱所致皮膚光亮眉髮脫落者

海艾

薄荷

藁本

蔓荊子

藿香

甘松

菊花

防風

荊芥

各二錢

用水五六碗同藥煎數滾連渣共入瓶口鉢內先將熱氣薰面候湯溫蘸洗之留藥照前再洗

林氏曰或問痛風一症係血虛耶血熱耶熱極生風耶抑風邪客於經絡為痛耶其症與痛痺同耶異耶其痛流走不定者風耶火耶其痛多在經絡關節之間者筋病耶骨病

耶死血為病耶痛甚於夜而減於晝者何也輕則三日一移動重則七日一移動者何也甚有痛久而傳為痿痺者又何也答曰痛者氣滯血凝經絡為之阻塞而不通也風者善行而數變乃流走不定之義也蓋風寒濕三氣客於經絡血脉之中未經疎散則鬱久生熱熱極化火而更兼風變其性流走不定伏行於周身經絡血脉之間是為病原自後或因營衛之氣血偶有阻滯經絡關節之處則此風熱亦因之停阻欲行不行遂至浮腫而痛屈伸亦為之不利或兩三日或五七日此處血氣已通而別處復有稽

留則痛亦移換至於衛氣晝則行於陽分之表而營氣亦
易運故痛緩夜則衛氣歸陰營氣不行其血脉凝澁而痛
甚故此症當責之肝家血少血熱木燥火炎而虛風復從
火化也蓋肝藏血肝主筋凡關節皆經脉之總會血虛既
不能滋養筋脉而風火反因之阻於脉絡於是浮腫而熱
浮屬風熱屬火腫為氣血阻碍每逢濕熱盛行則發實非
筋骨與死血為痛也若云筋骨死血其痛定在一處焉能
三日七日移換哉此實肝經無形之風熱為病蓋風熱屬
火所以善走若寒與濕則又當始終痛於一處矣雖云風

熱每得煖氣而痛緩者則虛火之本固寒其性喜煖再則治病之法用甚寒甚熱之藥當以從治從治不已又當求其屬以衰之從與屬者正熱痺得煖而易散之義也若痛久則飲食起居必廢精神氣血亦必因病而虛所以筋骨無力關節不利而成痿痺也

又曰或問痛風形症與痺無異如何不附於痺症之末而又別立一門也答曰痛痺本乎寒痛風屬乎風血脉得煖則行得寒則凝寒留脉中久成痛痺况痺者閉也閉塞不通之義所以始終痛在一處非若風之善行而數變者也蓋

風氣勝者為行痺故痛風者即痺門之行痺也然其義相
似而實不同者乃受病有深淺相沿有新久而病之愈也
亦有難易大約風痛每得之於暑濕盛行之時氣血沸騰
之際或衣汗衣或卧濕地或汗出迎風或貪涼熟寢於漆
器竹蓆石牀之上致暑熱之氣得寒而凝因濕而著遇風
而閉由是熱淫所勝反兼風化行於經絡血脉之中移動
不定痛止非常非若痺症之為病深久而難愈也

又曰形神如故飲食如常脉來洪滑浮弦急數有力而痛甚
者實也形神萎弱飲食減少其脉虛弦瀉數或微弱無神

或虛搏空弦酸疼無力二便不調者虛也

又曰治痛風當分別新久虛實及屬風屬火或有濕熱亦能流注經絡關節為痛新者營衛之氣血未虧當以治病為主若痛久而精神不足者以清補兼之濕熱勝者宜燥濕清熱風火甚者宜滋燥養血大補肝陰蓋治風先治血血行風自滅若過用風藥及寒燥之劑反有耗血遏火之患矣

馮楚瞻曰痺者閉也五臟六腑正氣為邪所閉則痺而不仁痺雖有五多由體虛之人腠理空疎為風寒濕三氣侵入

於皮脉肌筋骨不能隨時驅散留滯於內久而為痺其為病也寒多則掣痛風多則引注濕多則重著然風寒濕三氣客於經絡為病不一或為痛或為癢或為麻痺不仁或為手足緩弱所以然者有新久輕重之分有濕痰死血之異耳治以攻補兼施而標本兼顧也薄桂味薄能橫行手臂領南星蒼朮羣藥至痛處成功葳靈仙治上體痛風漢防己治下體痛風然虛弱人並當以氣血藥兼之方能有
力運行藥力

又曰痛風者古名痛痺俗謂之白虎歷節風即四肢骨節走

痛也。夫氣行脉外，血行脉內，晝行陽，夜行陰，各二十五度。得寒則行遲而不及，得熱則行速而太過。內傷外感，則疾作矣。彼痛風者，因血受熱，已自沸騰，或再涉冷，受濕取涼，熱血得寒，污濁凝澁，榮衛難行，堅牢阻礙，邪正交戰，所以作痛。夜痛甚者，行於陰也。治當以辛烈暴悍之劑，流散寒濕，開鬱行氣，破瘀豁痰，舒風和血，開發腠理，則拂鬱開而血行，氣和自愈。大約有餘則發散攻邪，不足則補養氣血。然亦有數種治法，不能無異。或因風熱，或因痰，或因風濕，或因血虛，若濕痰濁血流注為病，在下焦而道路遠者，非

烏附氣壯者不能行故用為引經若以為主治非徒無益也總肢節腫痛因經絡感受風寒鬱久成為濕熱流注肢節之內痛者火也腫者濕也其治宜疎風燥濕佐以調補氣血以助藥力運行終以滋養肝腎以壯筋骨堅強此其治也然痛要在勢如刀割尚屬邪正相爭之象若至全然不痛則邪正混為一家相安於無事矣

內經論痺四時之令皆能為邪五臟之氣各能受病六氣之中風寒濕居其半所謂雜至與合則知非偏受一氣可以致痺又云風勝寒勝濕勝者則知但分邪有輕重耳皮肉

筋骨脉各有五臟之合初病在外久而不去則各因其合而內舍於臟在外者祛之猶易入臟者攻之實難治外者散邪為亟治臟者養正為先治行痺者散風為主禦寒利濕仍不可廢大抵必叅以補血之劑蓋治風先治血血行風自滅也治痛痺者散寒為主疎風燥濕仍不可缺大抵必叅以補火之劑非大辛大溫不能釋其凝寒之害也治着痺者利濕為主祛風解寒亦不可缺大抵必叅以補脾補氣之劑蓋土強可以勝濕而氣足自無頑麻也病退之後內節慾以保精髓慎寒冷以却外邪戒酒麵以杜濕熱

服補養以生氣血則病不復發矣

又曰痺之為證有筋攣不伸肌肉不仁與風症相似但風則陽受之痺則陰受之故多重着沉痛其三氣之中風氣者為行痺故走而不留不拘上下左右關節之間流走而痛或三日五日又移一處俗名流火又名白虎風言其往來而痛一如虎咬之狀日輕夜重也寒氣勝者為痛痺因血脉寒凝痛在一處而不移俗名白虎飛尸濕氣勝者為著痺上下脉理滯塞不通致令肌肉先麻而後木木而不知痛癢即所謂不仁經又以所遇之時所客筋骨皮肉脉之

處而命名非行痛著之外另有骨筋之諸痺也崔紫虛曰
風寒濕氣合而為痺浮緊兼瀉三脉乃備則緊瀉之脉重
痛沉着之症皆純陰也當助陽溫散之藥方為對症
骨節風疼

大川烏

三枚
生用

全

蝎

二十一
生用

生黑豆

二十一
粒

地

龍

去泥土酒
洗淨五錢

右為末入麝香一分糯米飯和丸菜豆大每服七丸夜卧
酒下微出冷汗一二服便瘥

走注風毒疼痛

白芥子研末和雞子清調敷

諸般皮裏痛

何首烏末用生姜汁調成膏敷痛處以帛裹用火烘鞋底熨之

太乙神針

治一切痛風寒濕筋骨疼痛

人參

麝香

各四兩

山羊血

二兩

廣三七

八兩

千年健

肉桂

桂

乳香

蒼朮

小茴香